

"ARUBAANSE COURANT"
diariamente cu excepcion di
diadomingo.

subscription f. 3.25 pa luna.
edicion los 20 ct.

edita pa:

N.V. Arubaanse Drukkerij- en
Uitgevers- en Publiciteits Mij.
Nassaustraat 85 O'Stad Aruba N.A.

Imprimi na:
N.V. Drukkerij „De Stad“
Theaterstraat 11, Willemstad Curacao

Telefoon 1116 Directiva y redaccion.
2116 Anuncio y subscripcion.
Directeur hoofdredacteur: D. Wolff.

ARUBAANSE COURANT



Diario pa



Aruba

KING SIZE COCA-COLA
MORE
FOR
YOU!

optica moderna



SPRITZER + FUHRMANN

Año 23

DIALUNA 18 DI MAART 1963

No. 45692

AVIONNAN RUSSO RIBA ALASKA

MOSCU, 18 maart — Dos avion Ruso di reconocementu a viola e espacio aereo riba Alaska. Asina ta para den un nota di protesta, cu a word e entrega na Moscu.

E protesta di Merca ta sigui despues di un cu e Rusonan a haci despues cu segun nan dos crucero Mericano y un otro bapor Mericano di guerra a tira riba un treiler Ruso si man pasa. E Mericanonan a rechaza e acusacion ey.

Den e nota Mericano nan ta bisa, cu e dos avionnan a queda cada un cu e mas o menos 25 minuut riba territorio di Alaska. Segun e nota goberno Mericano ta spera cu goberno Ruso lo tuma e medidanan necesario pa evita un repeticon.

Den circulan rond di departamento di estado nan a bisa despues, cu e dos avionnan a penetra te mas o menos cincuenta kilometer riba territorio Mericano.

Nan no a participa e tipo di e avionnan. Nan a worde interesa pa radar. E avionnan cazador Mericano no tabatin contacto visual cu e Rusonan. Parce cu e Rusonan tabata bula na un altura di cinco te diez-un kilometer.

Opinion di Merca

Expertoan di e ministerio Mericano di defensa ta di opinion cu e Rusonan a bula riba Alaska pa mira con e reaccion di Merca lo ta ora cu

EX-MINISTER VAN OVEN A MURI

LEIDEN, 18 maart — Awe mainta a muri na Leiden prof. J.C. van Oven, ex-minister di husticia den e gabinete di Drees y ex-profesor den derecho Romano na Universidad di Leiden. E ex-minister tabatin basta tempo malu.

ARESTACIONNAN NA SUIZA

BERN, 18 maart — E embahador di Israel na Suiza, Samuel Ben-Zur, a participa awe na Bern cu el a pidi pa nan lague bai sera un homber cu parce ta traha pa israel y cu polis na Bazel tin deteni.

Polis di Suiza a participa ayera, cu nan a aresta dos homber, un israeli y un Austriaco, dia dos di maart sospecha di fientio pa ehreec presio riba cientificonan aleman cu ta traha pa Egipto.

ACUERDO ENTRE SURNAM Y E.E.G.

PARAMARIBO, 18 maart — E consoho di minister na Surinam a aproba ayera un acuerdo di financiamiento cu e comunidad economico Europeo, tocante construcion di schoolnan te na un suma di 1.506.000 florin di Surinam. Tambe Surinam a firma un acuerdo cu e comunidad pa financiamiento di construcion di un mercado nobo te na un suma di 2.500.000 florin di Surinam.

a worde ehecuta algun cien kilometro for di e base aerea Mericano cu tabata mas cerca.

Nan ta quere tambe cu e avionnan a hanja e informacionnan cu Union Sovietica tabata quier. Un di e informacionnan ey ta pa mira cuanlta ta dura prome cu e cortina Mericano di radar sinjala nan.

EXPLOSION DEN CAPITAL ARGENTINO

BUENOS AIRES, 18 maart — Ayera nochj tabatin un explosion basta fuerte den un edificio den capital Argentino. Den e edificio unda e bom a exploia ta algun oficina di e representacion diplomatica di Merca na Argentina.

E danjo tabata considerable. Nan no a haci mencio di victima. Ta worde calcula, cu e asalto a worde comete pa elementonan extremista di izquierdo.

MINISTER FRANCES TA RECHAZA INVITACION BRITANICO

LONDEN, 18 maart — Minister Frances di asuntunan exterior, Couve De Murville, a rechaza un invitacion di su colega Britanico pa bin diarazon awor na un comento ne embahada Ingles na Paris. Asina nan a anuncia awe di fuente bon informada. Lord Home tambe a invita algun otro colega de ne delegacion permanente, cu lo asisti reunion dje consoho di NAVO na Paris.

Si Couve De Murville a acepta e invitacion "esaki lo ta e prome encuentro entre e y Lord Home foi cu e deliberacionnan di Brussel cu a fracasa. Segun circulan autoriza e minister Frances tabatin pa diarazon awor un sita caba.



SORPRESA PA SENIOR CLASS DI L.H.S.

ORANJESTAD, 18 maart — Diabla up, alumnonan di e klas nan alitu di Lago High School a ser sorpresa cu un recuerdo grato y original duran e un fiesta cua a ser organiza pa algun mayornan pa nan. Nan a ricbi tur un mesa di miniatura di kwih cu aden un plaitshi di plata cu nan nomber, scol y anja di scol. E binti y dos mesanan necesario a worde traha pa e artistanan di kwih conoci Efigenio Paula di Oranjestad y Vicente Semeler di Washington. Tur dos ta empleadoan di Lago. Nan a traha e mesanan durante nan oranan liber y nan a tuma tres siman pesey. Hunto nan a traha pa mas cu 200 ora di trabao na e encargo especial aki. Riba e portret nos ta mira e dos constructornan tras di un mesa di kwih grand: na robez Efigenio y drecbi Vicente. Padilanti ta e miniaturanan.

T. SPROCKEL TOCANTE MAESTRO Y ALUMNO

ORANJESTAD, 18 maart — Den e reunion di Arubaanse Onderwijs Federatie, un organizacion cu ta ariba tur e bondnan di e maestronan di school, a worde anuncia cu e inspector di enseñanza Tiro Sprockel den cumintamento di april lo bishita Aruba caminda lo e tene un charla pa A.O.F. ariba e tema „E maestro y e alumno Antillano“.

A worde dicidi cu e anja aki e dia pa maestronan, cu ta tuma lugar te na vacation, grandi lo worde organiza door di Procova, e bond Protestant.

ADENAUER CU VACACION

BONN, 18 maart — Canciller Adenauer a sali awe for di Bonn pa Cadenabbia na e lago Como. E lo tene cuater siman di vacation eyan. Pero prome cu su salida el a bisa periodista cu dialuna e ta regresa Bonn pa asisti na un sesion special di Parlamento di Alemania, den cual nan lo papia tocante e prohibicion di goberno Aleman pa entrega di pipanan di petroleo na paisnan comunistas.

Gobierno di Alemania Occidental a dicidi aye a nochi pa molibunan di politica di exterior pa no quita e prohibicion, cu NAVO a recomendar. Adenauer tin plan pa diamars e bolbe bai Cadenabbia.

NOMBRAMENTO OFICIAL DI HARRIMAN

WASHINGTON, 18 maart — Awe president Kennedy a presenta Averell Harriman, acualmente segundo minister pa asuntunan di exterior tocante Lejano Oriente, oficialmente pa e puesto di segundo minister pa asunto politico na ministerio di exterior. Esaki ta e di tres pieto mas alto na e ministerio di exterior.

I.O.W.U.A. NO KIER BAH EXIGENCIA DI C.A.O.

ORANJESTAD, 18 maart — E directiva di Independent Oil Workers Union of Aruba I.O.W.U.A. a laga su organo di union cu e no kier sigui e directon di Union di Minero un Corsow. Si e union aki tabata dispuesto na e deliberacionnan pa un C.A.O. nobo pa baha su exigencianan cu bista riba e situacion economico malu den Antillas, I.O.W.U.A. ta pensa distinto.

„Sera petroleo asuntunan ta diferente for di e compania di mina“, segun e revista. Tanto Shell como Easo tabatin record-ganashi na 1962. Y kiko e miembronan di Union ta haya di esey? Awe un dia tur hende ta traha bati di e amenaza di lay-off. Tatanan di familia ta haya lay-off. Na Antillas nan ta haci gran ganashi pero ta e accionistanan na exterior cu ta probcha di esey.“

Comunismo

Tocante e amenaza di comunismo e editorial den I.O.W.U.A.-News ta bisa: „Union ta haci su best pa no duna e ideologia aki un chens. Pero e lucha ta di un banda. Enberdad mester hini cambianan riba terreno social pa combati comunismo efectivamente. Pero mira kiko ta pasa si Union ta keda fiel“. Despues e hefe-redactor ta mustra con Lago continuamente ta practica cross-crafting, esta: cu obreronan di un ofishi mester haci e trabao di otro ofishi. Tambe e articulo ta mustra con un tata di familia, cu ta muri a causa di un accidente di trabao, despues di 25 anja di servicio na Lago, su familia ta haya f. 4.— pa dia. Empleadonan cu no por traha a consecuencia di un accidente na trabao ta perde 15% di nan salario, e contribucionnan na nan thrift plan y

ta worde perhudica den nan pension. Loke ta trata di combatimento di comunismo ta ser observa aki, cu tambe ta e buena boluntad mester hini di dos banda.

NOTICIA DI POLIS

No por a para
ariba pia

ORANJESTAD — Diabierna atardi mas o menos un cuarto pa cuatro polis a hanja un tal R.L. kende tabata bati di influencia di alcohol y cu a cai den un restaurant na Oranjestad, cu e resultado cu e tabata sangra pa nanishi y orea. Cu ambulance el a worde transporta pa hospital caminda el a worde tuma pa observacion. Pero un cuarto pasa di cuatro polis mester a bai sake for di den hospital, como cu a resulta cu e ta mas burachi cu e tabata herida. El a worde hiba warda y a hanja un cuarto gratis pa saka wajaba.

Maltrato

POS CHIQUITO — Diabierna anochi 11'or asistencia di polis a worde pidi na Pos Chiquito pa un tal O. Ora polis a yega Pos Chiquito nan a hanja O. kende a declara cu ora cu el a sali for di un bus cu a tree for di un reunion politico, algun persona a atake y a dhne un sofa. E tabata asina herida cu e mester a worde hiba dokter. Despues di tratamiento medico e por a bai cas.

Accidente di trafico

PARADERA — Un cuarto pa ocho diabierna mainta e auto A-3616 maneja pa F.W. a dal i.R. di 75 anja di edad, banda di rumshop na Paradera. E motivo di e accidente ta posiblemente cu i.R. a pasa e caminda sin pone basta tino. Cu ambulance e mester a worde transporta pa hospital caminda el a worde tuma pa observacion.

A perde

Senior A. Rasmijn di Santa Cruz 274 a perde un bril cu montura preto. E ta sopena cu el a perde na Cas Ariba.

FATUM — Tel.: 1845
pa tur bo aseguranon

Diabierna mainta e prijsnan duna pa e contratanan pa traha e studio di Television na Aruba a worde publica na kantoer di Landsradiodienst. Aki nos por mira e interesadonan na ora di e publicamento. Di robez pa drecbi den circulo ta, senior Van Eijk di Radiodienst, senior Veels y senior Lenderink di Bohama-Aruba, senior Isidro Lopez, senior Holman di Holman-Van Eerden, senior Marcial Troup, senior Folkert Loonstra di Bouwmaatschappij „Aruba“, kende a haci e oferta di mas abao y senior Nijdam di Petroun & Croes na Aruba. Mas adifanti nos ta mira un pida di e cabez di senior Vlam, hefe di terino di servicio, kende a habri e envelopnan. Tambe tabata presente senior Scott di Petroun & Croes na Aruba.

Despedida di Ds. J. Gumbs

Life Boys, un organisacion pa hobenan di Misa Methodistista y e grupo di Boys Brigade (B.B.) a despedi di ds. John Gumbs diarazon anochi den presencia di e.o. tur e llderman y e domi John Jennings Martin y su esposa. E despedida a bira un reunion agradable cu canto, comento di kuki, un refresco pa tur y e oferta di un bunita regalo di Life Boys pa ds. Gumbs. Srta. Hilda Weinaar, e top-lder di L.B. a entrega e regalo. Den su discurso el a gradici ds. Gumbs hopi pa su interes pa e trabao juvenil di Misa cual a desarolla un actividad desconoci bati di su direccion. Ds. Gumbs na su turno a gradici tur lider, cu ta duna hopi di nan tempo liber pa juda forma e hobennan di e comunidad segun e educacion cristian. Orador a splica con trabao juvenil no solamente ta di importancia pa e Misa di Methodistista na Aruba, pero pa henter mundo. El a pidi e muchanan y e llderman pa tambe duna Ds. Martin tur cooperacion.

Durante e reunion tur e llderman a ser presenta na e predicante noho y su esposa, mientras srta. Martin a haya un

hocket di flor. E portretnan ta duna un impresion di e comento di kuki (d.r.p.d. srta. Weinaar, cu ta tene e cahuya na cual e kuki ta colga: ds. Gumbs cu ya caba a coge su kuki d.

Martin cu alnda mester coge di dje, pasobra el a spera e signal pa cumintar). E otro portret ta mustra e momento cu ds. Gumbs ta habri su regalo di Life Boys buntu cu Srta. Weinaar.



Studiebeurzen, Studieopdrachten en Vergoeding van Reiskosten

Het Bestuurscollege van het eilandgebied Aruba maakt bekend, dat ten behoeve van jongelieden een aantal studiebeurzen, studieopdrachten en vergoedingen van reiskosten zullen worden verleend, bij de behandeling van de aanvragen zal in het bijzonder aandacht worden besteed aan de navolgende studierichtingen:

Jurist

Gemeente-Administratie I

Gemeente-Financiën

Accountant

Eerste Stuurman Grote Handelsvaart (opleiding tot loods)

Hogere Technische School, afdeling Weg- en Waterbouwkunde

Hogere Technische School, afdeling Bouwkunde

Hogere Technische School, afdeling Electrotechniek

Scheepswerktuigkundige (A of B)

Bibliotheek-assistent

Adspirant keurmeester

M. O. Staatshuishoudkunde

Hotelvakschool.

Verzoekschriften op gezegd papier van f. 1,— moeten vóór 15 april 1963 worden ingediend bij het Bestuurscollege van het eilandgebied Aruba. Bij de Afdeling Onderwijszaken van het Bestuurskantoor zijn nadere inlichtingen te verkrijgen met betrekking tot:

- de vereiste vooropleiding, de duur, enz. van de hierboven vermelde studierichtingen;
- de inhoud van het verzoekschrift en de over te leggen stukken.

Aruba Chemical Industries N.V.

have vacancies in their Engineering Division for experienced

MILLWRIGHTS

for the maintenance of Large Reciprocating Compressors, Small Steam Turbines and Pumps.

Applicants are invited to write to Aruba Chemical Industries N.V., Industrial Relations Division, c/o Hotel Strand, Oranjestad, Aruba, or telephone no. 3100 for an appointment. Persons who have applied before are being considered and need not write again.

Avisa den ARUBAANSE COURANT

CHINA Y JOEGOSLAVIA

PEKING, 18 maart — Liao Tsien Tsik, lid van de comité central el partido comunista di China, a acusa e revisionismo moderno di Joegoslavia cu nan ta apoya e imperialismo Mericano na Afrika, Asia y America Latino.

El a bisa asina na un reunion cu nan a tene awe durante cual nan a expresa apoyo na e movimiento nacionalista di hendenan color scur na Sur Rhodesia.

Den e carta cu e comité central di partido comunista China a manda recientemente pa e partido comunista ta Ruso, nan a anuncia cu nan lo stop e polemicanan "temporalmente" tocante e conflicto ideológico entre e dos paisnan.

Pero observadornan na Peking a bisa cu for di e carta por a deduci claramente cu e amisticio aki no ta valido pa Yugoslavia, cu ta worde considera como e traidornan di comunismo.

TELEGRAM DI MINISTER LUNS PA SOEBANDRIO

DIJAKARTA, 16 maart — Un vocero oficial na Djakarta a parti cu awe, cu nan a bisa un telegram di minister Hotanides di Asintunan Exterior A. H. Luns, inmediatamente na e minister di Jones di Asintunan Exterior, dr. Soebandrio cu tabata conferencia cu presidente Sukarno den palacio Merdeka na Djakarta.

Den e mensahe, nan a agra e re-establecimiento di relacionnan diplomático, cu Indonesia a kibra na agosto di 1960. Dr. Soebandrio a bisa despues na periodistanan ku e no por duna comentario riba e telegram.

E delegado indones nobo na Den Haag, Mohammed Sharif, a bisa periodistanan awe, cu e mester hania ainda un orden pa bai Den Haag, pero mecos cu un padvader semper mi ta cla.

BRINGAMENTS ENTRE RUSSO Y CUBANONAN

MIAMI, 18 maart — Segun noticiannan no confirma, cu a bini el exiladonan Cubano na Miami, contra revolucionarionan na Cuba ta luchando fuertemente cu militarnan Ruso.

Algun di e rasonan ta bringa hasta den uniforme Cubano. Parce cu recientemente tabatin un bringamentu entre Ruso y contrarrevolucionarionan den e seranan Escambray na Confuegos y parce cu e Rusonan a sufi perdanan considerable. Un otro bringamentu cu tabata den cercania di Batambando, den parti sur di Cuba, a laga un perdida di shete solda pa Rusonan.

RESULTADO LOTERIA CARIBE CLUB

1er premio: FORD CONSUL lot No. 2399

Ganador: Sr. H. S. CROES Macuarima 94

2do premio: FORD ANGLIA lot No. 1031

Ganador: Sr. STANLEY DAVE Tripulante di „Santa Rosa“

Tur esnan cu a juda haci e loteria un exito, ta ser agradec cordialmente pa:

Directiva di CLUB CARIBE

MAS PLACA PA THODE

ORANJESTAD, 18 maart. — Di Sociale Verzekering Bank na Aruba nos a hanja un lista di e sumanan cu a worde colecta pa e familia di piscador defunto Thode na Bonaire. E biaha aki un total di 273 florin cu 50 cent a worde colecta:

N.N.	2.00
B.M. Albertus	2.50
Joos Goedgedrag	2.00
M. Emers	2.50
N.N.	5.00
J. Martens	1.00
Senior H.	2.50
Florica Albertino	1.50
Nesto Molina	1.00
C.F.W. Mervennee	2.00
AL. Los	1.00
Abel	2.50
Alfred Chemaly	12.50
AMIZ	5.00
Petrochi	2.50
Willemfridus Martius	3.00
Icho Tromp	2.00
N.N.	5.00
Ramon, Coffie	1.00
H. Emerenciana	1.00
B. Tromp	1.00
Nita Huriogh	1.00
L. Pick	5.00
Brion, L.	2.50
M. Dania	3.50
Theo Arends	2.50
Silvia Vrolijk	2.50
Poppe	2.50
Julietta Martha	1.50
Jopie Boekhoudt	5.00
L.M. Tromp	1.00
Anita de Cuba	5.00
A. Figaroa	5.00
Figaroa	1.00
B.W. Roeloffs Valk	1.00
R. Koelman	2.00
L. Comasio	1.00
A. Daz	1.00
F.J. de Mey	2.00
Ann Camy	5.00
R. Mies	5.00
L. Maduro	2.50
J.E. Cobbin	1.50
Sail Jago M.W.	5.00
N.N.	2.00
N.N.	2.50
J. Kori Koble	2.00
L. Pemoef	1.50
Roosenhoff	1.50
M. Trimon	1.50
Croes	2.50
J. Hagelen	1.50
C. Nedj	5.00
G.L. Phells	5.00
The Phings	5.00
Mey Sim Jago	5.00
Mario de Palm	2.50
Tico de Palm	5.00
Anselmo Emers	2.50
M.C. Sint Jago	5.00
Enrique Kock	2.00
Seferino Acosta	1.00
Marcelino Bredt	1.00
M.K.	1.50
N.N.	1.00
J. Eikelenboom	2.00
A.H. Raven	1.50
N.N.	1.50
J.A. Maduro	2.50
E.G. Martha	1.00
E.T. Rike	1.00
Fai. Weel	1.50
C.M.H.	2.50
M.C.	5.00
N.N.	1.50
I.M. Kelie	1.00
Chimo Lourens	2.50
N.N.	5.00
N.N.	2.50
D. Goele	3.00
La Fortuna	10.00
N.N.	3.00
N.N.	5.00
N.N.	2.50
José Abath	3.00
E.E. Martina	1.50
C. Bertrand	1.50
A.T. Carlo	1.50
A.R.A. da Costa Gomez	2.50
E. Oehlers	1.00
A.A.W. Hijmering	1.00
V/d Ree	10.00
T.V. Abath	1.50
E.W. Bracelly	1.00
S. Lelio	1.50
Hilario Motenel	1.00
M. Pieter	1.50
G.H.J.	1.00
R.S. Heyliger	1.00
F. Baggerma	1.50
H. Gorrster	1.50
I. Manuela	1.50
V. Romondi-Penson	2.00
M. Lampe	1.00
H.G. Marin	1.00
S. Martha	1.00



YABI

pa bo exito !

Avisa den
ARUBAANSE
COURANT
y compara e
resultado !

RON CONDESA

Awor cada botter di RON CONDESA tin un papel bon di su capsula y masha hopi di e papelnan aki ta premia cu vale pa RON CONDESA y PA PLACA.

Bo por honja un vole pa un Botter di Ron Condesa (4 tamaño) y tombe BO POR HANJA VALE PA f. 5.—, f. 10.—, f. 25.—, f. 50.— y f. 100.—.

Por cambia e valenan aki na:

Oficina di Firmo Jon C. Lacle of na Santo Cruz Bar of na e Rumshop undu Bo o compra Bo botter di RON CONDESA.

Articulos po deporte di loman y otro deporte en general.

Semper di calidad superior, pa amateur y profesional.

tambe pa VERF, kwashi etc. nos tin e mejor surtido.

Antillian Mercantile Corp. inc.

Oranjestad tel. 1148 — San Nic. tel. 5635

Propaganda den YABI... to oumenta bo venta !!



2116

Pa cuolkier informacion, nos to completamente na orde !

BOTICA ARUBA

„Tin tur cos“

Atrobe algo imho:

FLUXECT

Fabrica Hulandes. Ta mata muskita, sangura, cacaaca, fruminga cu e prome contact.

E mehor insecticida riba mercado y cu olor agradable.

Prijs po bomb f 1,75

PANAMA STORE

tin un surtido grandi di cama. Cama completo cu colchon pa un persona for di f 47.50 pa'riba.

Tambe cama pa dos persona, na prijs for di f 95.— pa'riba.

A eaba di jega un embarone nobo di TIRE den TUR SIZE na prijsnan especial.

HULANDA TA RECONOCE REGIMEN NOBO DI SIRIA

DE HAAG, 18 maart. — E embahador Hulandes na Damasco a participa awe na Damasco cu Hulanda a reconoce e regimen nobo di Siria. Asina e ministerio Hulandes di exterior a participa.

Carniceria Principal

Wilhelminastraat No. 69

ta specializa den HAMBURGER, SAUSSESHI y BLINDE-VINK. Semper na existencia

TUR CLASE DI CARNI FRESCO.

Nos ta entrega bo pednanan na cas, JAMA TEL. 3254

MODELONAN favorito... no prijsnan fabuloso!! den tur tamanjo, color, estilo y pa tur ocasion.



naturalmente na.....

LA LINDA

USA GAS PA TUR COS

pidi bo tubonan na tempo

ARUBA GAS SUPPLY

TEL. 1898

Ora nos ta papia di SERVICIO, nos ta meen tambe SERVICIO (Pa cuolkier reparacion di bo radio, taperecorder etc. rapido, eficiente y economico, acudi na

Caso Electronica

(Banda di Viano) - tel. 5371.

Hotpoint



WASMACHINE

- AUTOMATICO
- SEMI-AUTOMATICO

den diferente modelo, PORCELANA paden y pafu.

ARUBA TRADING CO.

CISCO KID presenta pa cortesia di **ARUBA BOTTLING COMPANY** e promer fabrica di refresco na Aruba, cu e produccionan mas gusta y mas pidl. NESBITTS e refresco sin igual.

1. Door di e slag, chico ta perde su balansa.
2. Door di e de-ordu e baidido ta bai...
3. Un pasahero ta cai na a-wa...



PEPITA pa cortesia di: **Antillian Hardware Co**
E mehor adres pa VERF, KWASHI, TUR CLASE DI HERMENT, articulos sanitario.

1. Ba mira con nos yiu muher a bisi pa sali riba ealla?
2. Mi camisa... caron di Alejandro. Manera un homber! No preocupa bo mes.
3. Si aho tabata bisi asina ora mi a conoce bo, con mi por a sa cu bo tabata un muha muher.
4. Lo mi a bsa bo, dushi!



PELEANAN DI BOXEO A PARA

LOS ANGELES, 18 maart. — Un pelea duru y continua a para e prome bisbitantenan di e programa boxistico cu tabata programa ayaer nocti den Dodgers Stadium na Los Angeles y cu tabata consisti di tres pelea valido pa titul mundial.

Tabata trata di e pelea entre Emilio Griffith di Merca, campeon mundial welter, contra Luis Rodriguez de Cuba, e pelea entre Dabel Moore (Cuba), campeon mundial peso pluz, contra Sugar Ramos (Cuba), y e pelea pa e titulo vacante den categoria di juniorwelter entre Roberto

Cruz (Philippinas) y Battling Torres (Mexico).

E prome bisbitantenan di e programa ya tabata den Stadion ora cu e decision a cai pa para e partido. E ring mes tabata den perfecta condicion ya cu e tabata bon tapa di panja di bela, pero e tribunanan no por a wordo utiliza ya cu nan tabata muha.

Anteriormente tabata e intencion na en todo caso laga e prome pelea entre Emilio Griffith y Luis Rodriguez sigui. Pero despues di deliberacionnan entre e organizadornan y representante di television nan a decidi pa suspende denter e programa pa un otro fecha, probablemente majan of diamars.



batin hasta interes di un patu pa e Maple-leaf carreda damas cual a tuma lugar poco dia pasa na e ciudad Hilsum na Hulanda. Aki por mira e participantenan poco despues di e salida



Maske cuanto stof tin Maske con grandi e tapijnan ta no ta importa!

Senjora; Mientras bo por conta cu yudanza di Reddy bo trabounan di cas ta keda cla rapidamente.



TEL. 1492-1493 Importrice E. & G. MARTIJN (ARUBA) LTD.



TRACY

Tracy ta practica com pa cu su parachute ora cu lega na e plekki secon di 525 nan.

Com ta bai cu e planan. "Semper mi a tene mes den bon condicion. To un poco practica lo no maldami."

Pero ora cu mi ta bai na e luga di e gangster, mi tin cu haci esey cu miha cuidao."

—Mi a marca un cirkel di 100 o menos eien pia. Bo ta bay practica un poco. "Maga nos bai."



KIRBY pa cortesia di: JAN BODEGOM & CO (Aruba) N.V.

TEL. 1284-1402

agente exclusivo di FRIESCHE VLAG lechi evap orado y lechi en polvo MAXWELL HOUSE KOFFIE



Campeonato di bridge 1963 na Aruba Den e promer rondnan ta na cabez Vocks-Van Grinsven

CRANJESTAD, 18 maart — Diasabra anochi a tuma lugar den restaurant Tracadero e ultimo wegonan den e promer rond pa e campeon di parehanan pa bridge 1963, cual ta wordo organisa doer di „Bridgeclub Aruba Ariba“. Despues di e promer cuatro rondnan, ta na cabez e caballeronan Vocks y Van Grinsven cu un total di 238.23 punto. Ariba e di dos y di tres lugar ta sigui respectivamente, senyor y senjora Zonjee y caballeronan Hollander y Wesseling.

Cu esaki ta di siete biaha cu e club „Aruba Ariba“ ta organisa e toernooi anual pa campeon di bridge di Aruba. Aki buo nos ta especifica e nombrenan di e promer 22 parehanan participando. E promer dieznan lo hunga den e tres rondnan final, cu lo wordo teni dia 29 di luna aki, dia 5 y 6 di april, pa e titulo di campeon. Esunnan cu sigui despues di e 10 mihor parehanan lo hunga pa e titulo di campeon den B-Klasse. E scorenan despues di diasabra atochi ta lo siguiente:

Srs. Vocks-Van Grinsven	238.23
fam. Zonjee	231.48
Srs. Hollander-Wesseling	228.25
Srs. Bechtold-Brinkenberg	227.25
Fam. Poppe	220.04
Srs. Schrage-Stenferi Kroese	212.33
Sr. Sikkema-Mej. Verbunt	211.77
Fam. Van der Koppel	207.84
Fam. Van Broekhoven	205.03
Fam. Bosman	204.16
Fam. Bongers	202.15
Damas Bayer-Henricksen	201.02
Srs. Dorsman-Tijmela	200.69
Srs. Bilderbeek-Tuinenburg	200.33
Fam. Grooters	200.00
Fam. De Bruyn	199.67
Fam. De Meer	199.04

1957 Sra. Schendstok-Sr. Rees
1958 Srs. Rafferty-Van der Ven
1959 Sr. en Sra. Bosman
1960 Srs. Van der Ven-Rees
1961 Srs. Grooters-Dijkhout
1962 Srs. Vocks-Zonjee.

PLANNAN GRANDI DI R.C.A.

ORANJESTAD, 18 maart — R.C.A. ta trahando un edificio di club, di cual e fundeshi y e floor ta cla caba cu tin un grandura di 254 meter cuadra. E edificio lo consisti di un entrada, patio patras, un sala, bar, y un sala pa reunion, cu tambe lo por wordo usa pa comedia. Un patio aire-liber lo bini cerca di e tereno di voetbal.

Pa tur e plannan aki por wordo checuta, e.o. e siguiente evenemetonan lo tuma lugar: Bendemento di blokki ariba tereno di R.C.A. Esaki lo ta specialmente pa e miebronan cu kier yuda e construcion di e edificio di club. Nan no mester di duna placa na e club, pero door di cumpura blokkinan, nan lo yuda R.C.A. pa hanja e cantidad di blokki necesario pa construi e edificio.

No ta miebronan so por yuda, tin un comite encarga cu reglamento di e asintunan pa esunnan cu kier contribui algo na e club materialmente manera cement, sario, mosaico, verf, etc. E encargo di esaki ta den man di senyor Oscar Marugg, mientras senyor Clovis Marchena ta encarga cu buscamen to y transportacion di e materialnan.

Feria
Pa hanja mas fondo financiero, lo tin un feria grandioso ariba e tereno di R.C.A. dia 10, 11, 12, 24, 25, 26 y 31 di mei, tambe dia 1, 2, 3 di juni. Permit no a wordo hanja ainda, pero ya tur cos ta cla pa e feria. E cooperacion a wordo hanja di entre otro y freneran di Don Bosco, cu lo ta encarga cu ganisacion. Hopi comerciantenan ta dunando nan cooperacion materialmente y esakinan tur lo tin propaganda liber durante e feria, na nan number of e produccion cu nan ta representa.

Club social
E edificio di R.C.A., lo hanja un mesa di biljart y un mesa di ping-pong. Directiva di R.C.A. tin plan pa haci e club, un club social, sin elimina e punto principal, esta deporte. Un club caminda e miebronan por bin cu nan familia, sin distincion di color, rasa, religion of educacion. E ta pa tur miebronan di R.C.A. y principalmente pa e deportistanan. Aki nan ta hanja un oportunidad pa sinja conoce y comprende otro mihor, pasobra aunke nan ta hunga hunto ariba tereno, esey hopi biaha ta e unico contact cu nan tin cu otro. E edificio di R.C.A. lo ta pa progreso y conocimiento entre e miebronan y nan famianan, pa progreso un bida mas social y no pa miebronan so, pero pa Aruba en general.

Cumpleanjos



Awe ta celebra su feliz cumpleaños e hobencita Carmen Lourdes Tromp. Felicitacion ta bini di su mama y tata, di su 10 rumanan. Tambe Carmen ta hanja felicitacion di su madrina Johana Trimon, di su pedrina Luis Tromp. Tambe di Nita y Brigita y demas familia Tromp.

Un cordial pabien ta hai awe pa e hobencita Maickel Argules Martijn. E ta cumpli un anja di edad. Hopi felicitacion ta bini pa parti di su manie Maria, Mama Petra, tata Johannes, tantanan Chana, Linda, Magdalena, Angelica, Camila, Ermiana, Omonan Tonic, Modesto, Bubui, Ambrosio. Cado y felicitacion especial di su madrina Aura Vos.

A.B.C. TA ORGANISA COMPETITIE

ORANJESTAD, 18 maart. — Segun nos a wordo informa, Arubaanseg Biljart Bond Carambola, ta plannando pa tene un biljartcompetitie durante luna di april. E wegonan di competitie lo tuma lugar den e siguiente clubnan:

Aruba Tivoli Club
Club Watapana
Commandeursbaai Club
Club Suriname
Noord Social Club.

E competitie lo wordo hunga den A y B class. A class lo hunga probablemente pa 150 carambola. B class pa 75 carambola. Actualmente tur e clubnan ta inscribendo nan hungadornan. Despues lo tin mas detalle ariba e competitie.

SITHOC A KEDA ELIMINA

PORT AU PRINCE, 18 maart. — E equipo di futbol campeon di Antillas, Sithoc a queda elimina di e torneo pa e copa Centro Americano di futbol, door cu ayera nochi e colegajanan a perde 1-1 di e equipo campeon Haitiano Racing Club Haiti. Sithoc a perde prome partido cu 1-3 Racing a coloca su mes pa e segunda buelta di e torneo.

AGENDA

CINE
Dialuna 18 maart 1963
DE VEER: For „The ten Commandments“ AL
RIALTO: For „Bala Perdida“ AL
PRINCIPAL: For „No Down Payment“ 10 J
AUBORA: For „El Cid“ AL
SAVANETA: For „Gone with the Wind“ 10 J

WIT-GELE KRUIS
San Nicolas: Zr. Poppelia
Oranjestad: Zr. Ewaldia
Santa Cruz: Zr. Ludovic
Hospital San Pedro di Verona tel. 2200

BOTICANAN DI WARDA
ORANJESTAD: Botica Oduber Tel. 1780
SAN NICOLAS: Botica Central Tel. 5006

DOKTERNAN DI WARDA
ORANJESTAD-NOORD Dr. C. v.d. Bijl
SAN NICOLAS-STA. CRUZ-SAV. Dr. J.R. Leo

POSTSLUITINGEN Maandag
Angilla 14.00, Antigua 8.00, Arzentina 14.00, Bolivia 14.00, Bonaire 8.00, Brazil 14.00, Br. Guiana 15.30, Canada 8.00, Caiman 15.30, Chile 14.00, COLOMBIA 14.00, Barranquilla 15.30, Bogota 15.30, Costa Rica 15.30, Cuba 10.00, Curacao 8.00 — 10.00, Ecuador 14.00, El Salvador 15.30, EUROPA (Azir-Afrika) 8.00, Fr. Guiana 14.00, Guadeloupe 15.30, Guatemala 15.30, Haiti 15.30, Honduras 15.30, Br. Honduras 15.30, Jamaica 10.00, Martinique —, Mexico 15.30, Montserrat —, U.S.A. Miami Fla. 10.00, (Azir-Afrika-Australia)

RADIO KELKBOOM
Dialuna 18 maart 1963
7.00 Opening
7.30 Bon dia cu alegria
7.30 Musica Matino
8.00 Selecion Musical cu disconan Lat. Am.
8.30 Cumpleanjos Feliz
9.00 Musica Varia
9.30 Melodias Instrumental
10.00 Ritmos Latinos
10.30 Programa di N. Habme Jr.
11.00 Musica Norte Americana
11.15 Musica Antillana
11.30 Musica Varia
12.00 Noticia Local
12.20 Musica Europeo
12.30 Nieuws in het Nederlands
12.45 Musica Norte Americana
12.55 News in a Nulshell
1.05 Musica Varia

RADIO CARACAS TELEVISION

Dialuna 18 maart 1963
8.45 Senderos de Luz
9.00 Cita con sorpresa
9.30 Jardin de infancia
10.00 Ingles por TV
10.30 Programa de Cecilia Martinez
11.00 Supermercado del aire
11.15 Quien es quien en T.V.
11.45 Novela
12.00 Show de Saime
12.00 Inisue su marte
12.30 Pelicula
12.55 Noticias
13.00 Revolver a la orden
13.30 Shanghai
13.30 Teletatro
13.30 Un moderno Don Juan
14.00 El observador
15.30 Novela
16.30 Radio Rochela
21.00 M-Squad
21.30 Boris Karloff
22.30 Noticias
22.55 Cine par, todos.

HUELGA GENERAL DI BANCO NA BELGICA

BRUSSEL, 18 maart. — Ni un dia despues cu nan a plaza e amenaza di un huelga general di industria di metaal di Belgica, tin kiestra di un conflicto nobo social. E biaha aki ta trata obreronan di banco. E participa na e huelga aki por lo me nos 25.000 miembro di personal di 80 banconan Belgo y di stranberia cu nan 900 sucursalan.



Na Brussel e capital Belgo nan ta tene un exposicion pa diberticion. Tin ademas di tentnan, caravanas y botonan tambe avionnan na venta. Esakinan pa un vacation pa hendenan moderno.

E motibo di nos separacion

Pa: JUANITA

HOLLANDSE BANKETBAKKERIJ

Oranjestad tel. 2796 — San Nicolas tel. 5478
E mehor adres pa Bolo y tur clase di pasa-boca. Diariamente fresco.

Ora cu e a jega den e cuarto di su hotel, e a sinta pensa cuidadosamente kiko e mester haci eienigeli. „E mester bai na e Embahada? Si kizas esey ta e mihor idea“. Esaki a resulta mas „peor cu tur pasobra eyan nan a informele, cu e diplomático Carlos, riba e mesun dia cu e a bai, a pidi su retiro, di manera cu e a bai sin tin mester di cumpli cu nangun cargo. Horas despues cu e naufragio a sucede, hasta e Embahada mes no a hanja cu ta humano pa bisi e viuda di Carlos ta kiko tabata e decision inexplicable cu e homber sin karakter ey a tuma na ultimo ora cu e a desaparece asina tragicamente. Awor si, Cora Alexandre no ta comprende nada mas, tur cos a cuminza bruhá den otro. E a sinta pensa cuidadosamente, y sa cu solamente un persona por a contele exactamente kiko a socede realmente, y esaki ta Floria Yubero, e mihor amigo di Raul, di kende e a hanja tendido e ultimo noticianan, y cu segun su carta e a skirbi Cora for di „Savanna del Mar“, un colonia Ingles, banda di Jamaica. Si durante e anja y mei di tempo cu a pasa, e amigo Yubero no a muda for di eyan, Cora por wel di bisa cu loch e tin poco suerte, pasobra door di dje so, Cora por bin hanja tendido tur cos cu tabata tin relacion cu Raul y e motivo di tanto misterio den su conducta. E a paga su cuenta di hospedaje y a prepara su mes pa bay cuminza un otro viahe mas pronto posibel. E tabata percura pa nungun rano di su tempo hai perdi. Su alma tabata tin necesidad di consuelo, buscando un razon pa por resisti contra tanto falta di comprension. E mes no por comprende di con e por a laga asina tanto tempo pasa, sin cu e a dicidi di bai mas prome na America Latina, na unda su esposo a pasa su ultima horasnan di bida y na unda mester supone cu e a sufri masha hopi... Ta Dios so sa ta pakiko. E

Lake, cu mi ta vinda, y cu bo mester jamami „Senjora“ y no „Sra.“ „Lo mi paga tino riba esey, Sra...“ „Carlos Cora a bisa, bo por jamami asina, Sra. Carlos“. Nan a jega na un pueblito cu varios cas chikito banda di otro, di un aspecto sencillo. Lake a paga e „jeep“ y di: „Mi nos a jega, Sra. Carlos, laga nos baha y cuminza camina te ora nos jega na e cas di e dokter“. „Bo ta companjanu?“ „Bo a kere cu mi no ta haciende, mi no ta haci esey pasobra mi tin gana, sino ta mi deber e ta. Of kizas te ainda bo no sa bon ta na unda bo ta? Keremi, Sra. Carlos, e lugar aki no ta pas pa bo. E ta jen di peliger pa bo honor, y tambe pa bo salud...“ „Y no tin hende civiliza ta bisa aki anto?“ „Si, naturalmente, nan ta nativos y extranheros cu ta traha akinan bao control di e autoridadnan Ingles. Pero mi no ta papando di nan, sino di e dokter cu bo ta hay bisibista...“ „Ta un monstruo e ta anto?“ „Mas eien esey, e ta un alcohólico. E ta bebe sin stop... y su aspecto no ta presentable. Ami no ta hanja adecuado pa un dama manera bo hai bisibista...“

„Mi kier sa cu bo ta worry mucho hopi, teniente Lake. Cora a bisa haciendo. Y ademas mi mester bisabo, cu mi sa masha bon mes pa cuida mi curpa. Di tur manera, bo compania amable ta haci mi hopi bon, te na e ultimo momento. Kizas dokter Yubero ta bai respetami mas ainda, si e mira cu bo ta companjani. Mi ta masha agradeci pa bo bon intencion.“ „Mi no kier pa bo agradecimi nada. Ta solamente mi ta trata di preveni bo, y na e mesun tempo regabo pa keda menos posibel aki nan“. „Mi ta keda solamente te ora cu mester, teniente Lake. Mi a bai serca Yubero, solamente pa e nani algun dats di algo cu mi ta interesa pa hanja sa. Despues cu mi hanja sa esey, lo mi bai bek“. „Mi por keda sperando anto, Sra?“ „Di berdad mi ta desea esey, teniente. Lo resulta dificiel pa mi, si mi no por bai bek den bo „jeep“. „Danki, Lake a contesta. Bo no por imaginabo con trankil mi ta sintimi di mira con razonable bo ta“. Nan a pasa door di poco eaja jen di lodo, tur sushi, te ora nan a pega na un di e mihor casnan cu tin ey nan, un cas basta grandi, aunque e ta un poco riu traha. „Akina, e ta biba. Lake a bisa, subiendole e trapi di palo. Manera bo por mira, semper e porta di entrada ta keda habri akinan, laga nos drenta anto...“ Lake a hala e cortina n banda y nan a drenta den un sala, cu alavez ta comedor, casi sin muebles, sushi y cu solamente cosnan necesario den dje.

IR. FABER A CAMNA CASI ROND ARUBA

ORANJESTAD, 18 maart. — Ir. S. J. Faber, jefe de Water- en Energiebedrijf na Aruba ta un paseante. Esey bo no ta mira na su cara, pero na su planan. "Si bo camina, e ora bo ta mira nuna uña bo ta hai", e ta bisa. Y pasobra e no a jega di mira Aruba hasta bon ainda, Ir. Faber a logra di camina casi rond di Aruba den eunimzamentu di e siman aki, den algu mas cu dos dia.

Siman pasa diluna Ir. Faber, cu a tuma su prome vacacion despues di su jega na Aruba tres anja y mey pasa, a sali for di su cas pa dos or di merdia na Lloyd G. Smith Boulevard. Na un seconder tabata colga un tas, na e otro un sacu, cu e.o. un teli chikiti, dos botter di awa y algun panja limpi. Tur cos cu un peso di mas o menos ocho kilo. Inmediatamente despues di a sali su cas senior Faber a camina bai banda di lamar pa sigui esaki pa algun ora largu. El a pasa hafi, Eagle Beach, Palm Beach, Malmok banda di e faro y diei pa un punto caminda e ultimo camina ta termina na un boca. Aja el a warda su esposa cu mester a trese awa pe. Segun Ir. Faber a declara e provision di awa tabata e problema mas grandi durante e paseo aki. Sra. Faber tabatin basta awa sereu diei y despues di a bebe dos liter tras di otro y a jena su dos botterman di nobo el a despedi di su esposa y a busca un lugar sin bien-tu den e boca pa drumi. E tent e no a usa mes.

Pida duru

Pa cineor di mainta el a bothe lama pa sigui su paseo. Awor el a jega na e pida bruti di costa na Noord, pero ne tabata tantu malu, el a bisa nos. Pa nuebor e tabata na Boca Malos, na onda el a palabrar pa diez or cu su esposa pa su provisionnan. Lastimamente esaki a jega un poco laa, asina cu Ir. Faber mester a warda te diez or mas o menos. Despues di a bebe dos liter y jena su botterman el a sigui su viahe: Andicouri, Daimari, Dos Playa, Magnifico e naseo aki tabata. Costa noord ta magnifico", Ir. Faber a conta nos. Pero e mester a confesa cu e parti di e viahe aki tambe tabata basta pisa. E mester a pasa riba diferente sermanan jeni di piedranan. Pa cuatro pa cinco e tabata na Dos Playa, na unda e mester a descansa. Sra. Faber cu tabata spera su casa aijanan a jide drecha e tent y despues di a banja un ratu Ir. Faber mucho causa pa come a pega sonjo.

Cayentura

Diaronan mainta tabatin un sorpresa desagradabel. E tabata sinti cayentura y pa colmo el a lubida pa hiba aspirin. Anke su intencion tabata pa lanta banda di seicor pa e ultimo trayecto: pasa Jamanota y Rooi Taki pa cas, sra. Faber a baya su casa ainda den su tent ora cu el a bin waak banda di nuebor y mey. Un ratu Ir. Faber a pensa pa stop pero el a dieidi pa sigui. Berdad, asina cu el a camina camina atrobe e cayentura a baha. Despues di a sigui e camina di Boca Prins na Ura-taka el a baha den rooi pa sigui esaki te Jamanota. E subintento di e seru mas haltu di Aruba no tabata tantu duru. E bahamentu si. E otro banda di e seru tabata jeni di kadushi, corea di porco" manera Ir. Faber ta jama nan. E tabata avanza poco poco pasobra e mester a kita e kadushinan for di caminda cu un palu y cucho. El a cai gin par di biaba y seguramete lo no lubida Jamanota nunca mas. Na pia di e seru Ir. Faber a sali den e eunimzamentu di Rooi Taki. Tambe aijanan e naturaleza tabata masha bonita. Na Rooi Taki sra. Faber tabata spera

CARDENAL WYSZYNSKI

WARSCHAU, 18 maart. — E revista semanal atheista na Polonia "Argumenty", a caracteriza cardinal Wyszynski, e primado catolico di Polonia como demagogu.

Na su regreso for di Roma y tambe despues e cardinal a observa, cu obisponan Polaco, cu a bai Roma anja pasa pa e coetico ecumenico a hantja un suma di cinco dollar pa nan biaba cu ne.

E revista "Argumenty" ta bisa awor cu e obisponan a hantja asina bon trata sereu curia di Vaticano, cu na nan regreso na Polonia nan a declara 20.000 dollar. E revista ta bisa cu e obisponan di e cardinal tocan e placa di viaje cu nan a hantja ta "ueltanan demagogu".

Decision di huez a worde pidi.

Mr. P.V. Sjiem Fat, e abogado di P. no por a bai di acuerdo cu e acusacion cu a worde traia den dos idioma. Door di usa dos idioma, den e acusacion, sin pone e nificacion di

BENDEDOR DI "CATOCHI" DILANTI HUEZ

ORANJESTAD, 18 maart. — I.R.M. un hoben for di Oranjestad, basta dia cuba tabatin un "Catochi" un sorto di loteria prohibi, pero a ser hantja na es momento, cu un di su clientenan tabata di opinion cu su number a sali. Ioke M. a jinga. E comprador decepciona a bai polis y esaki a jama M. pa duna cuenta. Ayera mainta e caso a bai dilanti.

Catochi ta un forma di loteria prohibi cu tin hopi na Antillas, na unda por compra numbernan pa prijsnan variando di diez cens pa decenas di florin. Mas grandi e suma ta, mas bo por gana. Algun catochi ta hunga riba loteria di Santo Domingo, cu ta hunga tur dia, otroan riba loteria di Corsow y hasta tin cu ta hunga awor riba Amstel Car Club. Ta un trabao lucrativo, tantu pa e bendedor como pa e comprador. Tin hungadornan di catochi cu a gana tres premio den un siman. Hasta lo tin un hende na Corsow cu a sacar 40.000— cu su catochi un biaba. Na es loterianan prohibi aki e bendedor ta keda completamente na e bendedor. Esey M. a ripara cu a hantja basta nervioso dilanti huez y a confesa completamente. Asina M. a declara cu e tabata cu su loteria di 2— tabata prohibi pero cu e no tabatin trabao y sin embargo mester a gana algu.

Fiscal, sr. S.H. Tjon Along a tene un requisitorio extenso den cua el a mustra claramente e acusacion como hecho castigable ta duna un alternativo. Den caso di M. fiscal a mustra riba e hecho cu M. tabata cu e bendedor di catochi tabata prohibi y ademá M. no tabata dispuesto pa paga un premio na un di e ganadornan. Y a existi dos siman di prison condicionalmente cu tempo di prueba di tres anja y un boet di 100—.

Huez B. Swannenburg lo pasa sentencia aki dos siman.



Senjor George Smith di Enfield na Inglaterra cu a hantja heridanan durante un explosion den e fabrica caminda e ta traha, ta braza su esposa aki. E pareha a gana mas cu mei millon di florin Antillano den un futbol pool, di Inglaterra. A consecuencia di e heridanan na su cara sr. Smith no por a controla e resultadonan di e pool. Su esposa a haci esey. Nan a anuncia cu e hombre lo conserva su bista.

DAMA A CORRE TRAS DI SU ESPOSO CU CUCHU

E senjora E.B.F.-H. kende diabierna mainta a presenta dilanti huez cu su bistr Chinese, cu split na banda, a reconoce cu den e luna di december ariba un marduga, cu el a corre tras di su esposo ariba calla cu un punjal. "Yes Sir" e dama di 23 anja cu a nace na Trinidad a bisa "mi a coi un punjal y mi a corre su tras". E motibo cu e no a worde hinka ta pasobra cu polis a logra hinka e auto entre e dos cu tabata corriendo, net na tempo.

Henter e caso di diabierna mainta tabata un poco strano como cu e dama tabatin su yiu di mas o menos dos anja sereu diei; ora su mama a worde jama dilanti huez el a camina grita pasobra nan kier a lage pafor, pero huez B. Swannenburg no tabatin nada contra cu e mucha homber a keda sereu su mama: toeh e yiu no por a comprende loka ta worde bisa. Mientras cu e drama cu a tuma lugar dia 9 di december tabata worde repasa, e mucha tabata hunga cu e potibod di e folk Karel van Meeteren y despues el a purba keta su lonso tambe, cu cual el a camina hunga hunga promer cu e folk a logra kite for di diei.

Bishito

A bja na ela cu durante basta tempo cuba e esposo di H. no ta biba sereu su senjora. E marduga menciona e esposo a presenta na e cas banda di 5 or. Segun e acusado a declara diabierna mainta, e bishito di su esposo no a cumbinie, pa e motibo cu net e tabatin bishito di un amigo, kende a pasa ey banda y a mire ta cose ainda y a dieidi di dren-ta pa combersa poco. Un rato despues ora cu e esposo a bolhe cu polis, e bishitante a sali di e porta tras, mientras cu e dama a sali cu un punjal tras di su esposo cu a laca cal ora el a mira e intencion di su senjora. Polis a logra scapa e esposo, cu un de-gracia no a sosode.

Cu esaki acusado no tabata di acuerdo. Den e acusacion ta poni cu e dama tabatin intencion di hinka su esposo, pero e mes ta bisa cu ta

BOET PA TIRADOR DI KANIK

ORANJESTAD, 18 maart. — Un klerk bon bisti di Village Noord a jega di tira su ex-amiga D.D.W. di Village Noord cu un kanika di awa tocal a trece dilanti di huez, pasobra e mucha muher cu a ser herida na su man, a duna cuenta na recherche. Un boet di f. 50— tabata e castigo cu H. a haya.

E mucha muher tabata spera trobel di antemano. E dia ey el a pidi e bincinja pa sera su porta cu candal pafor pa asina duna H. impresion cu e no tabata na cas. Esaki sin embargo a haya sa cu ta truco y a dai e porta kibra pa despues coge un kanika di awa y tira e dama cu ne. Sr. Tjong Along a considera cu maltrato a keda proba y a existi como H. su karechi di castiga tabata blanco un boet di f. 50—, cu cual huez a bai di acuerdo.

COMBERSACION ENTRE LUNS Y DE GAULLE

DEN HAAG, 18 maart. — Un portavoz di e ministerio di exterior na Den Haag a participa awe tardi riba un pregunta cu nan a hacie, cu e minister Hulandes di exterior, mr. Luns, tabatin hopi oportunidad pa combersa cu president De Gaulle di Francia tocante problemanan Europeo. Segun e portavoz di e ministerio e combersacion tabata sumamente franco y util.

UNIVERSIDAD CAMPEON DI CHILI

SANTIAGO, 18 maart. — Universidad di Chili ayer, a bira campeón di futbol na Chili derrotando Universidad Catolica cu score di 5-3 den e partido decisivo. \$5.000 persona a presencia e encuentro, en tabata necesario ya cu ambos equino tabatin 3 mesun cantidad di punto na cabes di e tabla di posicion di e campeonato desmies cu na e eleccion tur nan partidaron. Anja pasa Universidad Catolica a sali campeón, pero no antes di a efectua tres partido prome cu un decision a cay i nan adversario tabata Universidad di Chili, cu e anja aqui pues a tuma revanche.

LISTON LO MESTER OPERA!

MIAMI, 18 maart. — Segun e corant Mericano "Miami Herald" lo ta muv h'en nosibel cu Sonny Liston lo mester bolhe nidi suspenccion pa e pelea pa titulo di peso completo contra Floyd Patterson. Anteriormente e pelea tabata pa tuma lugar cuater di april pero nan a suspender na dia diez di april riba noticia di Liston. Liston a sufr un lesion na su rudia poco dia pasa ora cu e quier a bai demostra (fotografan) un sla di golf. Anteriormente un instancia di e organizadornan di e pelea a bisa cu e pelea lo no sigui dia diez di april, pero despues nan a bolhe desment esey.

Un hecho ta, cu e rudia di Liston ta ley di e cura. E siman aqui el a bai Chicago pa ricbi trato di dokter, di e diagnostico lo denende si Liston lo laga opera e rudia of no.

PRESIDENT DE GAULLE A REGRESA PARIS

PARIS, 18 maart. — General De Gaulle a regresa Francia awe despues di su bishita corticu cu el a haci na e Pareha Real Hulandes na Den Haag. E president a viaja manera ta conoci cu avion y el a baha na aeropuerto Orly na Paris.

PERMIT PA BIDAULT

MUENCHEN, 18 maart. — E Frances antiguallista Bidault, di cu lo e pidi pa un permit pa keda na Beieren, asina un vocero dje ministerio di Beieren na Muenchen a participa. Como contesta riba preguntanan esaki a bisa, cu nan lo no cambia e condicionnan cu nan a stipula pa permiti Bidault den e pais, principalmente cu bista riba e actividad politico di esaki y orden pa keda na un luga.

Potencia multilateral di NAVO

LONDEN, 18 maart. — E emisora ingles BBC a anuncia, cu Merca e Inglaterra a yega na un acuerdo tocante un plan pa forma un potencia nuclear multilateral den NAVO.

Merca parece pone cinco submarino Polaris na disposicion di NAVO mientras cu Inglaterra lo pone tur su avionnan di bombardeo di e tipo V na disposicion. Hunto es esaki na lo agrega e forzanan aerea tactica di Belgica, Holanda, Italia, Grecia, Alemania Occidental y Turquia, mientras cu e otro paisnan di NAVO, esta Francia lo por participa despues.

Henter e potencia multilateral y

nuclear aqui lo bini hao di comando di general Lemnitz, e comandante supremo Mericano di e forzanan di NAVO na Europa.

Segun BBC otro gobiernonan di NAVO a acepta e plan en principio. Un acuerdo definitivo por worde spera na fin di mei na un reunion di ministernan di NAVO na Ottawa. Tanto fuertanag autoriza na Merca como circulanon diplomatico na London a bisa cu e noticia cu na mei por spera decision definitivo tocante e formacion di potencia nuclear multilateral di NAVO, ta prematuro. Parece cu ainda tin hopi asunto cu mester regla.

BO HOROSCOPO PERSONAL

ARIES

21 Maart — 20 April



Taga bo amor, na conseja bo ora bo hantja bo dilanti problema, nan riba terreno personal.

TAURUS

21 April — 20 Mei



Awe aspectonan ta favorable den bo trabao. Despues di atard tambe ta favorable pa bida social.

GEMINI

21 Mei — 20 Juni



Bo huicio y opinion ta masha bon awe, haci loke bo kier y confia riba bo intuicion.

CANCER

21 Juni — 22 Juli



Awe bo ta capaz, bo ta resolve problemanan masha difitil. Anochi bo plannan por cambia.

LEO

23 Juli — 22 Augustus



Scucha loke otronan tin di bisa, bo y saca bo conclusionnan pero no huzga mucho liher.

VIRGO

23 Augustus — 22 September



Bo por spera cu bo trabao lo ser recompensa o aprecia. Bo por tin provecho di trabao den pasado.

LIBRA

23 September — 22 Oktober



Aspectonan di ayera ta sigui awe, lo no tin nada nobo awe, mustra atencion na serman stima.

SCORPIO

23 Oktober — 22 November



Mustra bo energia awe y lo bo por logra hopi den bo trabao. Anochi ta favorable pa romance.

SAGITARIUS

23 November — 21 December



Aspectonan di ayera ta sigui awe, lo no tin nada interesante, anochi ta bon pa romance.

CAPRICORNUS

22 December — 19 Januari



Awe bo no mester hesita pa tuma decisionnan, bo intuicion ta bon, bo por tuma un cheus.

ACUARIUS

20 Januari — 18 Februari



Awe bo por wicla asintonan importante y logra hopi. Tin bon aspectonan financiero.

PISCES

19 Februari — 20 Maart



Tin bon aspectonan na tur problemanan di cas y personal, bo mester coopera cu otro mas.

SITUACION NA KATANGA

ELISABETHSTAD, 18 maart. — Trupanen di Nacionnan uni a biva ayera na Elisabethstad pa diez wagon di ferroviaria, cu ta carga cu material militar pa gendarmeria Katanges y soldanan mercenario, cu te ainda ta cana den territorio di Dilogo cerca dje frontera cu Angola.

Militarnan dje organizacion di Nacionnan Uni, a descubri prome tres wagon sella cu parinan di avion, e representante di Nacionnan Uni nan a stop e trafico di trein na Elisabethstad. Te ainda nan no a hantja e diez wagonnan cu a worde hiba Dilogo. Tin un dje wagonnan cu partinan di avion nan a saca pida di un caña riba cua ta pata forza aerea Belgo.


BUCHI ROBEZ

presenta pa cortesía di:

REFRESQUERIA INGRID

TEL. 1849

★ e mehor adres pa snacks, tur clase di dushi, softdrinks, ice-cream y revistas



E ministro Holandes di Economische Zaken senjor De Pous a habri e voorjaarsbeurs na Utrecht oficialmente door di hala un telegraaf di barcu. Riba e portret nos ta mira na drechi e ministro y na robex dr. G. van der Wal, e presidente di e jaarbeurs.